



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԲՆԱՊԱՀՊԱՆՈՒԹՅԱՆ
ՆԱԽԱՐԱՐՈՒԹՅԱՆ ԲՆԱՊԱՀՊԱՆՈՒԹՅԱՆ ԵՎ ԸՆԴԵՐՔԻ
ՏԵՍՉԱԿԱՆ ՄԱՐՄՆԻ ԿԱՌԱՎԱՐՄԱՆ ԽՈՐՀՈՒՐԴ**

Ո Ր Ո Շ ՈՒ Մ

15 փետրվարի 2018 թվականի N 03-Ա

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԲՆԱՊԱՀՊԱՆՈՒԹՅԱՆ
ՆԱԽԱՐԱՐՈՒԹՅԱՆ ԲՆԱՊԱՀՊԱՆՈՒԹՅԱՆ ԵՎ ԸՆԴԵՐՔԻ ՏԵՍՉԱԿԱՆ
ՄԱՐՄՆԻ ՈՐԱԿԻ ԱՊԱՀՈՎՄԱՆ ՍՏՈՐԱԲԱԺԱՆՄԱՆ ԳՈՐԾՈՒՆԵՈՒԹՅԱՆ
2018 ԹՎԱԿԱՆԻ ՏԱՐԵԿԱՆ ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ**

Հիմք ընդունելով «Տեսչական մարմինների մասին» ՀՀ օրենքի 12-րդ հոդվածի 2-րդ մասը և Հայաստանի Հանրապետության կառավարության 2015 թվականի հոկտեմբերի 1-ի N 1358-Ն որոշման հավելվածի 8-րդ կետի պահանջները՝ Հայաստանի Հանրապետության բնապահպանության նախարարության բնապահպանության և ընդերքի տեսչական մարմնի կառավարման խորհուրդը *որոշում է՝*

1. Հաստատել Հայաստանի Հանրապետության բնապահպանության նախարարության բնապահպանության և ընդերքի տեսչական մարմնի որակի ապահովման ստորաբաժանման (այսուհետ՝ որակի ապահովման ստորաբաժանում) գործունեության 2018 թվականի ծրագիրը՝ համաձայն հավելվածի:

2. Սույն որոշումն ուժի մեջ է մտնում ընդունելու օրվան հաջորդող օրվանից:

ՆԱԽԱԳԱՀ

Ա.ՄԻՆԱՍՅԱՆ

I. ԸՆԴՀԱՆՈՒՐ ՆԿԱՐԱԳԻՐ

1. Որակի ապահովման ստորաբաժանման գործունեությունն իրականացվում է որակի ապահովման տարեկան ծրագրի հիման վրա:

Որակի ապահովման ստորաբաժանման գործունեության տարեկան ծրագիրը²

- 1) հանդիսանում է որակի ապահովման ստորաբաժանման գործունեության պլանավորման փաստաթուղթ,
- 2) ներառում է որակի ապահովման ստորաբաժանման կողմից տեսչական մարմնում առկա ռիսկերի բացահայտման, թերությունների վերհանման և գնահատման գործողությունների նկարագրությունը,
- 3) ընդգրկում է 2018 թվականին կատարվելիք աշխատանքները:

II. ՈՐԱԿԻ ԱՊԱՀՈՎՄԱՆ ՍՏՈՐԱԲԱԺԱՆՄԱՆ ՆՊԱՏԱԿՆԵՐԸ ԵՎ ԽՆԴԻՐՆԵՐԸ

2. Որակի ապահովման ստորաբաժանման գործունեությունն ուղղված է Հայաստանի Հանրապետության բնապահպանության նախարարության բնապահպանության և ընդերքի տեսչական մարմնի (այսուհետ՝ Տեսչական մարմին) գործունեության շարունակական կատարելագործման ապահովմանը՝ տեսչական մարմնի նպատակների ու խնդիրների իրականացման և տեսչական մարմնի գործունեության սկզբունքների ամբողջական իրագործման նպատակով:

3. Որակի ապահովման ստորաբաժանումը իրականացնում է ներքին հսկողական գործառույթ, որն ուղղված է տեսչական մարմնի գործունեության արդյունքի մեծացմանը, արդյունավետության բարձրացմանը և տեսչական մարմնի գործունեության բարելավմանը: Այն տեսչական մարմնին աջակցում է մարմնի ռիսկերի կառավարման, հսկողության ու կառավարչական գործընթացների համակարգված և կանոնակարգված գնահատման ու բարելավման միջոցով հասնել իր նպատակների իրագործմանը:

4. Որակի ապահովման ստորաբաժանման գործունեությունն ուղղված է տեսչական մարմնում ներքին հսկողության իրականացմանը հետևյալ ուղղություններով՝

- 1) կարգապահական կանոնների ապահովման վերլուծություն.
- 2) բողոքների պատճառների և արդյունքների վերլուծություն.
- 3) տեսչական մարմնի գործունեության արդյունքների ուսումնասիրում և վերլուծություն:

III. ՈՐԱԿԻ ԱՊԱՀՈՎՄԱՆ ՍՏՈՐԱԲԱԺԱՆՄԱՆ ԳՈՐԾՈՒՆԵՈՒԹՅԱՆ ՏԱՐԵԿԱՆ ԾՐԱԳՐԻ ԿԱԶՄՈՒՄԸ

5. Որակի ապահովման ստորաբաժանման գործունեության 2018 թվականի ծրագրի կազմման համար հիմք են հանդիսացել Հայաստանի Հանրապետության կառավարության 2017 թվականի ապրիլի 27-ի N 445-Ն որոշումը և Հայաստանի Հանրապետության կառավարության 2015 թվականի հունիսի 25-ի N 693-Ն որոշումը:

6. Որակի ապահովման ստորաբաժանման 2018 թվականի գործունեության տարեկան ծրագիրը ներառում է տեսչական մարմնի գործունեության արդյունքների ուսումնասիրման և վերլուծության գործընթացներ՝ ուղղված հնարավոր ռիսկերի բացահայտմանը, թերությունների վերհանմանը, դրանց գնահատմանը և բացահայտված ռիսկերի կառավարմանը՝ ներքին հսկողության իրականացմամբ:

№	Գործառույթի անվանում	Միջոցառման և/կամ ստորաբաժանման անվանում	Համառոտ նկարագրություն	Կատարման ժամկետ
1	Կարգապահական կանոնների պահպանման նկատմամբ ներքին հսկողության իրականացում և արդյունքների վերլուծություն	Տեսչական մարմնի կառուցվածքային և/կամ տարածքային ստորաբաժանումներ	Տեսչական մարմնի ղեկավարի 2017 թվականի հոկտեմբերի 6-ի N155-L հրամանով սահմանված կանոնների պահպանման նկատմամբ ներքին հսկողության իրականացում: <i>մասնավորապես՝</i> - կարգապահական կանոնների պահպանման նկատմամբ ներքին հսկողություն - էթիկայի կանոնների պահպանման վիճակի պարզում - Տեսչական մարմնի կառուցվածքային և տարածքային ստորաբաժանումներից, ինչպես նաև արտաքին աղբյուրներից ստացված տեղեկատվության համադրում առկա տվյալների հետ և անհամապատասխանության դեպքում հավաստիության ճշտում:	պարբերաբար
2	Բողոքների պատճառների և արդյունքների վերլուծության վերաբերյալ հաշվետվությունների ներկայացում	Տեսչական մարմնի կառուցվածքային և/կամ տարածքային ստորաբաժանումներ	<i>մասնավորապես՝</i> - ուսումնասիրվում են բողոքների պատճառները, - Տեսչական մարմնի կառուցվածքային և տարածքային ստորաբաժանումներից, ինչպես նաև արտաքին աղբյուրներից ստացված տեղեկատվության համադրում առկա տվյալների հետ և անհամապատասխանության դեպքում հավաստիության ճշտում, - վերլուծվում են արդյունքները, - վերհանվում են թերությունները, - ներկայացվում են Տեսչական մարմնի, նրա ծառայողների գործողությունների արդյունավետությունը բարձրացնելու և անգործությունը վերացնելու վերաբերյալ առաջարկություններ:	յուրաքանչյուր կիսամյակ

3	Տեսչական մարմնի կայքէջի տեղեկատվական սպասարկման իրականացման նկատմամբ ներքին հսկողություն	Իրազեկման, խորհրդատվության և հանրության հետ տարվող աշխատանքների բաժին	<i>մասնավորապես՝</i> - Տեսչական մարմնի կայքէջի ուսումնասիրություն և վերլուծություն - կայքէջի թարմացման հաճախականության վերլուծություն - տեղադրված տեղեկատվության արդիականության և արժանահավատության ուսումնասիրություն - Տեսչական մարմնի գործունեության լուսաբանման մակարդակի վերլուծություն	յուրաքանչյուր կիսամյակ
4	Բնապահպանության ոլորտի վարչական վիճակագրական հաշվետվությունների սահմանված կարգով ընդունման, ոլորտի գործող տնտեսավարող սուբյեկտների ռիսկերի գնահատման աշխատանքների վերլուծման և դեպի առավել ռիսկային ոլորտների վերահսկմանն ուղղված գործառույթների նկատմամբ ներքին հսկողության իրականացում	Ռիսկի գնահատման և վերլուծությունների վարչություն	<i>Ուսումնասիրում և վերլուծվում են վարչության կողմից կատարված աշխատանքները նշված գործառույթի շրջանակներում, մասնավորապես պարզվում են՝</i> - առավել ռիսկային տնտեսավարող սուբյեկտների հայտնաբերման առնչությամբ իրականացված գործողությունների արդյունքները և դրանց վերաբերյալ տվյալների հավաքագրման ուղղությամբ տարված աշխատանքները - տնտեսավարող սուբյեկտների ռիսկերի հավաստի գնահատման նկատմամբ վերլուծություն - տեղեկատվական բազայի (բազաների) ստեղծման և վարման նպատակով կատարված աշխատանքները (ուսումնասիրված ռիսկային ոլորտները, տնտեսավարող սուբյեկտների քանակը և այլն)	պարբերաբար

5	Իրավաբանական և ֆիզիկական անձանց նկատմամբ նշանակված վարչական տուգանքի որոշումների կատարման և շրջակա միջավայրին պատճառված վնասի փոխհատուցման պատճառված վնասի փոխհատուցման պահանջների ապահովման վերաբերյալ որոշումներով սահմանված ժամկետում վճարման ենթակա գումարների չվճարման պատճառները <i>համեմատվում են՝</i> - չվճարված գումարները հարկադիր կատարման ներկայացրած գումարների հետ՝ տարբերությունները հայտնաբերելու նպատակով <i>պարզվում են՝</i> - Հայաստանի Հանրապետության օրենքով սահմանված կարգով անբողոքարկելի վարչական ակտերի հիման վրա դրամական պահանջները տեսչական ծառայողների կողմից հարկադիր կատարման չներկայացնելու պատճառները - Դատական կարգով բռնագանձման չներկայացնելու պատճառները	Տեսչական մարմնի կառուցվածքային և/կամ տարածքային ստորաբաժանումներ	<i>պարզվում են՝</i> - այն բոլոր վարչական տուգանքների և շրջակա միջավայրին պատճառված վնասի փոխհատուցման պահանջների ապահովման վերաբերյալ որոշումներով սահմանված ժամկետում վճարման ենթակա գումարների չվճարման պատճառները <i>համեմատվում են՝</i> - չվճարված գումարները հարկադիր կատարման ներկայացրած գումարների հետ՝ տարբերությունները հայտնաբերելու նպատակով <i>պարզվում են՝</i> - Հայաստանի Հանրապետության օրենքով սահմանված կարգով անբողոքարկելի վարչական ակտերի հիման վրա դրամական պահանջները տեսչական ծառայողների կողմից հարկադիր կատարման չներկայացնելու պատճառները - Դատական կարգով բռնագանձման չներկայացնելու պատճառները	պարբերաբար
6	Հայաստանի Հանրապետության օրենսդրությամբ սահմանված կարգով վերանվորության իրականացման նկատմամբ ներքին հսկողություն՝ - մթնոլորտային օդի պահպանության բնագավառում - ջրային ռեսուրսների օգտագործման և պահպանության բնագավառում - ընդերքօգտագործման և պահպանության բնագավառում - հողերի օգտագործման և պահպանության բնագավառում - կենդանական և բուսական աշխարհի օգտագործման և պահպանության	Տեսչական մարմնի կառուցվածքային և/կամ տարածքային ստորաբաժանումներ	<i>մասնավորապես՝</i> - հանձնարարագրի կամ հրամանի համապատասխանության գնահատում ստուգման իրավական հիմքերին - իրականացված ստուգման նյութերի անկողման արդյունքում կազմված փաստաթղթերի ամբողջականության և համապատասխանության գնահատում գործող օրենսդրությամբ: - Տեսչական մարմնի կառուցվածքային և տարածքային ստորաբաժանումներից, ինչպես նաև արտաքին աղբյուրներից ստացված տեղեկատվության համադրում առկա տվյալների հետ և անհամապատասխանության դեպքում հավաստիության ճշտում:	առնվազն 3-րդ ստուգման ավարտից հետո, բայց ոչ ուշ քան 7-րդ ստուգումը

	բնագավառում - վտանգավոր նյութերի, արտադրության ու սպառման թափոնների բնագավառում			
7	Տեսչական մարմնին տրված հանձնարարականների (ՀՀ վարչապետի, ՀՀ կառավարության), ինչպես նաև Տեսչական մարմնի կառուցվածքային և տարածքային ստորաբաժանումներին տրված հանձնարարականների (Տեսչական մարմնի կառավարման խորհրդի, Տեսչական մարմնի ղեկավարի, ղեկավարի տեղակալների) կատարման և արդյունքների նկատմամբ ներքին հսկողության իրականացում	Տեսչական մարմնի կառուցվածքային և/կամ տարածքային ստորաբաժանումներ	<i>մասնավորապես՝</i> - սահմանված ժամկետներում կատարման նկատմամբ հսկողության իրականացում, - աշխատանքների կատարման որակի նկատմամբ հսկողության իրականացում, - կատարված աշխատանքների արդյունքում կազմված փաստաթղթերի ամբողջականության և համապատասխանության գնահատում գործող օրենսդրությամբ: - Տեսչական մարմնի, նրա ծառայողների գործողությունների արդյունավետությունը բարձրացնելու և անգործությունը վերացնելու վերաբերյալ ներկայացվում են առաջարկություններ:	ընթացիկ